

INSTITUT ZA ZDRAVLJE I SIGURNOST HRANE ZENICA

Broj: 02-1621/25

Zenica, 11.04.2025.godine

Na osnovu člana 64. stav 1. tačka b), člana 70. stav 1, 3. i 6. Zakona o javnim nabavkama („Službeni glasnik BiH“, broj 39/14, 59/22 i 50/24), te na osnovu preporuke Komisije za javne nabavke, a po provedenom postupku za nabavku roba – Nabavka SQL servera i informacijskih paketa za podršku procesima, direktor Instituta za zdravlje i sigurnost hrane Zenica donosi

ODLUKU o izboru najpovoljnijeg ponuđača

Član 1.

Prihvata se preporuka Komisije za javne nabavke, te se ugovor za nabavku roba- Nabavka SQL servera i informacijskih paketa za podršku procesima dodjeljuje ponuđaču **LOGOSOFT d.o.o. Sarajevo** koji je dostavio ponudu broj: 034-13-SA/25-T od 07.04.2025. godine, (broj ugovornog organa 01-2112/25 od 07.04.2025. godine) u kojoj je ponuđena ukupna cijena od 18.000,00 KM bez PDV-a.

Član 2.

Izabrani ponuđač nema obavezu dostavljanja originalne dokumentacije (ili ovjerene kopije) propisane tenderskom dokumentacijom jer je ista dostavljena uz ponudu

Član 3.

Ova odluka se dostavlja svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

Član 4.

Ova odluka objavit će se na web-stranici ugovornog organa (www.inz.ba) istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 5.

Ova odluka stupa na snagu danom donošenja.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 02-1306/25 od 25.03.2025. godine. Postupak nabavke je proveden konkurentskim zahtjevom za dostavu ponuda za koji je objavljeno obavještenje o nabavci broj: 7126-7-1-72-3-84/25 objavljeno 25.03.2025. godine na Portalu javnih nabavki.

Postupak nabavke provela je Komisija za javne nabavke imenovana Rješenjem broj: 02-1307/25 od 25.03.2025. godine.

U toku postupka javne nabavke Komisija je zaprimila pristigle ponude, izvršila njihovo otvaranje, te pregled i ocjenu ponuda prema zahtjevima i kriterijima iz tenderske dokumentacije.

U postupku javne nabavke utvrđeno je sljedeće:

- da su ukupno pristigle 2 ponude;
- da su blagovremeno zaprimljene 2 ponude;
- da nije bilo neblagovremenih ponuda;
- da je jedna ponuda odbačena kao nepravilna u skladu sa članom 68. ZJN BiH

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te ocjenu prispjelih ponuda, u skladu sa kriterijima iz tenderske dokumentacije.

U toku ocjene ponuda Komisija za provođenje postupka javne nabavke je utvrdila da je ponuđač GRUPA PONUĐAČA SYS Company d.o.o. Sarajevo i Imtec d.o.o. Sarajevo dostavio Obrazac za cijenu ponude koji nije u skladu sa zahtjevom iz tenderske dokumentacije, čime nisu ispunjeni formalni uslovi propisani tenderskom dokumentacijom. Shodno članu 57. stav (1) Zakona o javnim nabavkama BiH („Službeni glasnik BiH“ BROJ: 39/14, 59/22 i 50/24) ponuđači su dužni pripremiti i dostaviti ponudu u skladu sa zahtjevima i uslovima iz tenderske dokumentacije. Također član 68. stav (4) tačka i) istog zakona navodi da ugovorni organ obavezno odbacuje ponudu koja nije potpuna i ne ispunjava zahtjeve iz tenderske dokumentacije. Tokom postupka ugovornom organu su postavljena pitanja na portalu javnih nabavki, te su odgovori ugovornog organa objavljeni na istom mjestu, čime su svi zainteresovani ponuđači imali jednak pristup informacijama i jednak uvid u sadržaj postavljenih pitanja i datih pojašnjenja, a bili su vezani za obrazac ponude.

S obzirom na gore navedeno, ponuda ovog ponuđača nije pripremljena u skladu sa tenderskom dokumentacijom, zbog čega komisija odbacuje predmetnu ponudu kao nepravilnu.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te ocjenu prispjelih ponuda, u skladu sa kriterijima iz tenderske dokumentacije. Kako je za predmetnu nabavku zaprimljena samo jedna prihvatljiva ponuda, te se e-aukcija nije provodila.

U postupku ocjene provedenog postupka, Ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javne nabavke.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, i tenderskom dokumentacijom.

Uvidom u priloženu dokumentaciju utvrđeno je da je ponuđač LOGOSOFT d.o.o. Sarajevo dostavio ponudu sa najnižom cijenom, a obzirom da je kriterij za izbor najpovoljnije ponude najniža cijena tehnički zadovoljavajuće ponude, odlučeno je kao u članu 1. ove odluke.

POUKA O PRAVNOM LIJEKU

Protiv ove odluke može se izjaviti žalba, najkasnije u roku od 5 (pet) dana od dana prijema ove odluke.


INSTITUT ZA ZDRAVLJE I SIGURNOST
IZJAVLJENJE
INZ
DIREKTOR
Dr. sci. Muamer Mandra, DVM

Dostaviti:

1x LOGOSOFT d.o.o. Sarajevo

1x SYS Company i Imtec d.o.o. Sarajevo

1x www.inz.ba

1x arhiva

Sejto